



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՒՈՒ ՄԱՐԶԻ ՓԱՄԲԱԿ ՀԱՄԱՅՆՔԻ
ԱՎԱԳԱՆՈՒ**

ԱՐՁԱՆԱԳՐՈՒԹՅՈՒՆ ԹԻՎ 02

05 մարտի 2025 թվական

ԱՎԱԳԱՆՈՒ ՀԵՐԹԱԿԱՆ ՆԻՍՏԻ

գ. Փամբակ

Ավագանու նստավայր

Նիստը վարում էր համայնքի ղեկավարը, ավագանու անդամ Սուրեն Կոստանդյանը:

Նիստն արձանագրում էր աշխատակազմի քարտուղար Ռաիսա Մինասյանը:

Մասնակցում էին՝

«Քաղաքացիական պայմանագիր» կուսակցության ավագանու խմբակցության անդամներ՝ Սուրեն Կոստանդյանը, Սամվել Անանյանը, Աշոտ Անտինյանը, Արայիկ Քոչարյանը, Սերյոժա Սարգսյանը, Գրիգոր Կարապետյանը, Էմմա Գասպարյանը, Արշակ Սրապյանը և Շուշանիկ Հակոբյանը:

«Բարգավաճ Հայաստան» կուսակցության ավագանու խմբակցության անդամներ՝ Սասուն Մարանդյանը, Սևակ Խաչատրյանը և Նաիրա Հարությունյանը:

Նիստից բացակայում էին՝

«Քաղաքացիական պայմանագիր» կուսակցության ավագանու խմբակցության անդամներ՝ Պավլիկ Պապինյանը և Արմենուհի Ոսկանյանը:

«Բարգավաճ Հայաստան» կուսակցության ավագանու խմբակցության անդամներ՝ Թիանա Բոջուկյանը:

Նիստին նեկա էին աշխտակազմի պատասխանատուներ:

Նիստն իրավազոր է՝ նիստին ներկա են ավագանու 12 անդամ

ՆԻՍՏԸ - Նիստը վարող Սուրեն Կոստանդյանը ժամը 14.10-ին նիստը հայտարարեց բացված: Նա ողջունեց ներկաներին և առաջարկեց իր նախաձեռնությամբ օրակարգի 4-րդ կետում «Փամբակ համայնքի սեփականություն հանդիսացող հողամասերն աճուրդ վաճառքով օտարելուն և վարձակալության իրավունքներով տրամադրելուն համաձայնություն տալու, մեկնարկային գները, աճուրդի և մրցույթի պայմանները հաստատելու մասին» որոշման նախագծում կատարել լրացում՝ նախագծում ավելացնել 4-րդ կետ՝ կառուցապատման իրավունքով, 50 տարի ժամկետով 1 լոտ հողամաս տրամադրելու վերաբերյալ: Ինչպես նաև

օրակարգի մեջ ներառել և քվեարկել որպես լրացուցիչ 10-13-րդ հարցեր և որոշման նախագծեր հետևյալ բովանդակությամբ.

10. Գերմանական միջազգային համագործակցության ընկերության կողմից գործադրվող Տեղական զարգացման հիմնադրամի շրջանակներում դրամաշնորհային մրցույթին մասնակցելուն և համաֆինանսավորումն ապահովելուն համաձայնություն տալու մասին:

զեկ. Հ. Մացակյան

11. Փամբակ համայնքի ավագանու 02.02.2022թ-ի «Հայաստանի Հանրապետության Լոռու մարզի Փամբակ համայնքի ավագանու կանոնակարգը ընդունելու մասին» թիվ 08-Լ որոշումն ուժը կորցրած ճանաչելու մասին:

զեկ. Ռ. Մինասյան

12. Փամբակ համայնքի ավագանու անդամ Թիանա Բոջուկյանի լիազորությունները վաղաժամկետ դադարեցնելու մասին:

զեկ. Ռ. Մինասյան

13. Փամբակ համայնքում հանրային հավաքների մասին իրազեկումների գրանցամատյանի վարման կարգը և ձևը հաստատելու մասին:

զեկ. Ռ. Մինասյան

Քվեարկությամբ, կողմ՝ 12 ձայների համաձայնությամբ որոշման նախագծերն ընդգրկվեցին օրակարգում:

Նիստ վարողն առաջարկեց հաստատել օրակարգը լրացուցիչ որոշման նախագծերով:

Քվեարկությամբ, կողմ՝ 12, դեմ՝ 0, ձեռնպահ՝ 0, ընդունվեց որոշում /կցվում է որոշում N 017-Ա/:

Հաստատվեց օրակարգը, ինչով էլ սպառվեց ներկայացված օրակարգի առաջին հարցը. Հաստատված օրակարգը՝

1. ՀՀ Լոռու մարզի Փամբակ համայնքի ավագանու 2025թ-ի մարտի 05-ի թիվ 02 հերթական նիստի օրակարգը հաստատելու մասին:

զեկ. Ս. Կոստանդյան

2. ՀՀ Լոռու մարզի Փամբակ համայնքի ավագանու 2024 թվականի դեկտեմբերի 25-ի թիվ 157-Ն որոշման մեջ փոփոխություններ կատարելու մասին:

զեկ. Կ. Շերմազանյան

3. Հայաստանի Հանրապետության Լոռու մարզի Փամբակ համայնքի սեփականության գույքագրման փաստաթղթերում կատարված փոփոխությունները հաստատելու մասին:

զեկ. Կ. Շերմազանյան

4. Փամբակ համայնքի սեփականություն հանդիսացող հողամասերն աճուրդ վաճառքով օտարելուն, վարձակալության և կառուցապատման իրավունքներով տրամադրելուն համաձայնություն տալու, մեկնարկային գները, աճուրդի և մրցույթի պայմանները հաստատելու մասին:

զեկ. Ա. Օհանյան

5. Հայաստանի Հանրապետության Լոռու մարզի Փամբակ համայնքում իրականացված իրավական և մասնագիտական հսկողության արդյունքները քննարկելու մասին:

զեկ. Ռ. Մինասյան

6. Փամբակ համայնքի 2025 թվականի տարեկան աշխատանքային պլանը հաստատելու մասին:

զեկ. Ռ. Մինասյան

7. Փամբակ համայնքի Քարաբերդ բնակավայրի տարածքներում օգտակար հանածոյի արդյունահանման նպատակով երկրաբանական ուսումնասիրություն կատարելուն նախնական համաձայնություն կամ անհամաձայնություն տրամադրելու մասին:

զեկ. Ս. Կոստանդյան

8. Փամբակ համայնքի Փամբակ, Քարաբերդ և Բազում բնակավայրերի տարածքներում օգտակար հանածոյի արդյունահանման նպատակով երկրաբանական ուսումնասիրություն կատարելուն նախնական համաձայնություն կամ անհամաձայնություն տրամադրելու մասին:

զեկ. Ս. Կոստանդյան

9. Հայաստանի Հանրապետության Լոռու մարզի Փամբակ համայնքի ավագանու ութերորդ նստաշրջանի հերթական նիստի օրը սահմանելու մասին:

զեկ. Ս. Կոստանդյան

10. Գերմանական միջազգային համագործակցության ընկերության կողմից գործադրվող Տեղական զարգացման հիմնադրամի շրջանակներում դրամաշնորհային մրցույթին մասնակցելուն և համաֆինանսավորումը ապահովելուն համաձայնություն տալու մասին:

զեկ. Հ. Մացակյան

11. Փամբակ համայնքի ավագանու 02.02.2022թ-ի «Հայաստանի Հանրապետության Լոռու մարզի Փամբակ համայնքի ավագանու կանոնակարգը ընդունելու մասին» թիվ 08-Լ որոշումն ուժը կորցրած ճանաչելու մասին:

զեկ. Ռ. Մինասյան

12. Փամբակ համայնքի ավագանու անդամ Թիանա Բոջուկյանի լիազորությունները վաղաժամկետ դադարեցնելու մասին:

զեկ. Ռ. Մինասյան

13. Փամբակ համայնքում հանրային հավաքների մասին իրազեկումների գրանցամատյանի վարման կարգը և ձևը հաստատելու մասին:

զեկ. Ռ. Մինասյան

ԸՆԹԱՑՔԸ՝

1. ԼՍԵՑԻՆ - ՀՀ Լոռու մարզի Փամբակ համայնքի ավագանու 2024 թվականի դեկտեմբերի

25-ի թիվ 157-Ն որոշման մեջ փոփոխություններ կատարելու մասին հարցի նախագիծը:

- զեկուցեց Փամբակի համայնքապետարանի աշխատակազմի ֆինանսատնտեսագիտական, եկամուտների հաշվառման և հավաքագրման բաժնի առաջատար մասնագետ Կիմա Շերմազանյանը:

Զեկուցողը ներկայացրեց, որ առաջարկվող փոփոխություններով նախատեսվում է.

01.01.01՝ Կառավարման ապարատ նախահաշվի, 4111՝ աշխատակիցների աշխատավարձ հոդվածից պակասեցվել է 1.055.000 դրամ և 4215՝ տրանսպորտային միջոցների ապահովագրում հոդվածից՝ կապված համայնքի ծառայողական մեքենաների շահագործումը դադարեցնելու հետ, պակասեցնել 950.000 դրամ:

Վերոգրյալ պակասեցված 2.005.000 դրամը և պահուստային ֆոնդից 12.731.000 դրամը /ընդհանուր՝ 14.736.000 դրամը/ տեղափոխել հետևյալ ծախսային ուղղություններով:

04.05.01՝ ճանապարհային տրանսպորտ նախահաշվի, ճանապարհների նորոգում՝ 5113 հոդվածում ավելացվել է 11.503.000 դրամ՝ „Ձորագյուղի ճանապարհի նորոգում՝ տուֆապատման միջոցով, ծրագիրն ավարտին հասցնելու համար:

2025թ-ին իրականացվող սուբվենցիոն ծրագրերի հեղինակային և տեխնիկական հսկողների հետ կնքված պայմանագրերի արժեքները պետք է ավելացվեն 20%-ով՝ կապված ավելացված արժեքի հարկի հետ: Կատարվել են վերահաշվարկներ, որի արդյունքում տարբեր ծախսային ուղղություններով անհրաժեշտ է ավելացնել ընդհանուր՝ 2.003.000 դրամ:

01.01.01՝ Կառավարման ապարատ նախահաշվի, էլեկտրաէներգիայի ծախս 4212 հոդվածում ավելացվել է 1.230.000 դրամ, Փամբակի հանդիսությունների սրահի և Բազումի համայնքային կենտրոնի /գործող վարչական կենտրոնի/ համար եռաֆազ նոր արձանատներ գրանցելու համար:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 12, դեմ՝ 0, ձեռնպահ՝ 0 ընդունվեց որոշում /կցվում է որոշում N 018-Ն/:

2. ԼՍԵՑԻՆ - Հայաստանի Հանրապետության Լոռու մարզի Փամբակ համայնքի սեփականության գույքագրման փաստաթղթերում կատարված փոփոխությունները հաստատելու մասին հարցի նախագիծը:

- զեկուցեց Փամբակի համայնքապետարանի աշխատակազմի ֆինանսատնտեսագիտական, եկամուտների հաշվառման և հավաքագրման բաժնի առաջատար մասնագետ Կիմա Շերմազանյանը:

Զեկուցողը ներկայացրեց, որ 2024 թվականի դեկտեմբերից մինչև 2025թ. փետրվարը Փամբակ համայնքի կողմից ձեռք է բերվել, ինչպես նաև իրականացված ծրագրերի արդյունքում հանձնման-ընդունման ակտերով համայնքին են հանձնվել 3.452.400 ՀՀ դրամի հիմնական միջոց: Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 12, դեմ՝ 0, ձեռնպահ՝ 0, ընդունվեց որոշում /կցվում է որոշում N 019-Ա/:

3. ԼՍԵՑԻՆ - Փամբակ համայնքի սեփականություն հանդիսացող հողամասերն աճուրդ վաճառքով օտարելուն, վարձակալության և կառուցապատման իրավունքներով տրամադրելուն համաձայնություն տալու, մեկնարկային գները, աճուրդի և մրցույթի պայմանները հաստատելու մասին հարցի նախագիծը:

- զեկուցեց Փամբակի համայնքապետարանի աշխատակազմի քաղաքաշինության, հողաշինության, գյուղատնտեսության և բնապահպանության բաժնի պետ Արտակ Օհանյանը: Զեկուցողը ներկայացրեց, որ առաջարկում է տալ համաձայնություն 6 լոտ հողամասերն աճուրդ վաճառքով օտարելուն, 2 լոտ հողամասերը վարձակալության իրավունքով հատկացնելուն և 1 լոտ հողամասը կառուցապատման իրավունքով տրամադրելուն:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 12, դեմ՝ 0, ձեռնպահ՝ 0, ընդունվեց որոշում /կցվում է որոշում N 020-Ա/:

4. ԼՍԵՑԻՆ - Հայաստանի Հանրապետության Լոռու մարզի Փամբակ համայնքում իրականացված իրավական և մասնագիտական հսկողության արդյունքները քննարկելու մասին հարցի նախագիծը:

- զեկուցեց Փամբակի համայնքապետարանի աշխատակազմի քարտուղար Ռաֆիսա Մինասյանը: Զեկուցողը ներկայացրեց, որ համաձայն ՀՀ տարածքային կառավարման և ենթակառուցվածքների նախարարի 28.12.2018թ. թիվ 01/17.1/10285-18 հանձնարարականի և ՀՀ Լոռու մարզպետի 03.09.2024թ. N 610-Ա որոշման, Լոռու մարզպետի աշխատակազմի կողմից 2024թ. նոյեմբերի 18-ից 29-ը Փամբակ համայնքում իրականացվել է իրավական և մասնագիտական հսկողություն: Հսկողությունն իրականացվել է ՏԻՄ-երի լիազորությունների, ֆինանսների, հողօգտագործման, կոմունալ տնտեսության, պաշտպանության, սոցիալական պաշտպանության, առողջապահության, տրանսպորտի, քաղաքաշինության, շրջակա միջավայրի պահպանության, առևտրի և ծառայությունների, գյուղատնտեսության, անասնաբուժության և բուսասանիտարիայի, զբոսաշրջության, կրթության, մշակույթի, երիտասարդության հետ տարվող աշխատանքների, ֆիզիկական կուլտուրայի և սպորտի բնագավառներում, ինչպես նաև համայնքային ենթակայության 7 նախադպրոցական ուսումնական հաստատություններում:

Իրավական և մասնագիտական հսկողության արդյունքներն ամփոփելուց հետո կազմվել է արձանագրություն, հսկողության ընթացքում հայտնաբերված խախտումների վերացման ուղղությամբ առաջարկությունների, ինչպես նաև հայտնաբերված խախտումների վերացման նպատակով առաջարկվող ժամկետների վերաբերյալ: Առաջարկներն ընդունվել են ի գիտություն և ի կատարում՝ սահմանված ժամկետներում շտկվել են, կամ շտկման փուլում են:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 12, դեմ՝ 0, ձեռնպահ՝ 0, ընդունվեց որոշում /կցվում է որոշում N 021-Ա/:

5. ԼՍԵՑԻՆ - Փամբակ համայնքի 2025 թվականի տարեկան աշխատանքային պլանը հաստատելու մասին հարցի նախագիծը:

- զեկուցեց Փամբակի համայնքապետարանի աշխատակազմի քարտուղար Ռաիսա Մինասյանը:

Զեկուցողը ներկայացրեց, որ համաձայն «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 4.1-ին կետի և 82.1-ին հոդվածի, անհրաժեշտ է հաստատել Փամբակ համայնքի 2025թ-ի տարեկան աշխատանքային պլանը: Պլանի մեջ ներառվել են սուբվենցիոն և այլ ծրագրերով 2025թ-ին իրականացվելիք աշխատանքները: Պլանը բաղկացած է 11 կետից՝ ծրագրերից:

1. Ձորագետ բնակավայրի համայնքային սեփականություն հանդիսացող շենքի վերանորոգում /2-րդ փուլ/:
2. Վահագնիի մանկապարտեզի նոր մասնաշենքի կառուցում:
3. Վահագնաձոր բնակավայրում մանկապարտեզի շենքի վերանորոգում:
4. Լեռնապատ բնակավայրի հանդիսությունների սրահի կառուցում:
5. Անտառամուտ բնակավայրերի փողոցների նորոգում սալարկմամբ՝ տուֆապատման միջոցով:
6. Մարգահովիտ բնակավայրերի փողոցների նորոգում սալարկմամբ՝ տուֆապատման միջոցով:
7. Փամբակ բնակավայրի փողոցի նորոգում ասֆալտապատման միջոցով:
8. Արջուտ բնակավայրի փողոցի նորոգում ասֆալտապատման միջոցով:
9. Մասնակցային բյուջետավորում 2025:
10. «Լավ կառավարում հանուն տեղական զարգացման Հարավային Կովկասում» ծրագրի կողմից իրականացվող «Մարդակենտրոն ծառայությունների նախագծում» երկրորդ բաղադրիչի:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 12, դեմ՝ 0, ձեռնպահ՝ 0, ընդունվեց որոշում /կցվում է որոշում N 022-Ա/:

6. ԼՍԵՑԻՆ - Փամբակ համայնքի Քարաբերդ բնակավայրի տարածքներում օգտակար հանածոյի արդյունահանման նպատակով երկրաբանական ուսումնասիրություն կատարելուն նախնական համաձայնություն կամ անհամաձայնություն տրամադրելու մասին հարցի նախագիծը:

- զեկուցեց Փամբակ համայնքի ղեկավար Սուրեն Կոստանդյանը:

Զեկուցողը ներկայացրեց, որ համաձայն «Շրջակա միջավայրի վրա ազդեցության գնահատման և փորձաքննության մասին» օրենքի 16-րդ հոդվածի 3-րդ կետի և «Ա.Ա.Բ Պրոյեկտ» ՍՊԸ-ի 12.12.2024թ-ի գրության, ՀՀ կառավարության 19.11.2014թ.-ի 1325-Ն որոշմամբ սահմանված կարգով Քարաբերդ բնակավայրում անց է կացվել հանրային լսումներ, որի արդյունքների վերաբերյալ կազմվել է արձանագրություն: Օրենսդրությամբ սահմանված կարգով առաջարկում է տալ նախնական համաձայնություն /կամ անհամաձայնություն/ «Ա.Ա.Բ Պրոյեկտ» ՍՊԸ-ի կողմից «ՀՀ Լոռու մարզի Քարաբերդի քվարցային գաբրոդիորիտների հանքավայրի ընդլայնման օգտակար հանածոյի արդյունահանման նպատակով երկրաբանական ուսումնասիրության աշխատանքներ» նախատեսվող գործունեության իրականացմանը:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Քննարկման արդյունքում ավագանու անդամները որոշեցին քվեարկել վերը նշված գործողությանը անհամաձայնություն տալու հարցը:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 12, դեմ՝ 0, ձեռնպահ՝ 0, ընդունվեց որոշում /կցվում է որոշում N 023-Ա/:

7. ԼՍԵՑԻՆ - Փամբակ համայնքի Փամբակ, Քարաբերդ և Բազում բնակավայրերի տարածքներում օգտակար հանածոյի արդյունահանման նպատակով երկրաբանական ուսումնասիրություն կատարելուն նախնական համաձայնություն /կամ անհամաձայնություն/ տրամադրելու մասին հարցի նախագիծը:

- զեկուցեց Փամբակ համայնքի ղեկավար Սուրեն Կոստանդյանը:

Զեկուցողը ներկայացրեց, որ համաձայն «Շրջակա միջավայրի վրա ազդեցության գնահատման և փորձաքննության մասին» օրենքի 16-րդ հոդվածի 3-րդ կետի և «Կոմպոզիտ մետալ» ՍՊԸ-ի 04.12.2024թ-ի ծանուցման, ՀՀ կառավարության 19.11.2014թ.-ի 1325-Ն որոշմամբ սահմանված կարգով Փամբակ, Քարաբերդ և Բազում բնակավայրում անց են կացվել հանրային լսումներ, որոնց արդյունքների վերաբերյալ կազմվել է արձանագրություն և ավագանու որոշման նախագիծ՝ / «Կոմպոզիտ մետալ» ՍՊԸ-ի կողմից Փամբակ համայնքի Փամբակ, Քարաբերդ և Բազում բնակավայրերի տարածքում օգտակար հանածոյի արդյունահանման նպատակով երկրաբանական ուսումնասիրության աշխատանքներ նախատեսվող գործունեության իրականացմանը նախնական համաձայնություն /կամ անհամաձայնություն տալու վերաբերյալ: Սակայն 03.03.2025թ-ին «Կոմպոզիտ մետալ» ՍՊԸ-ն դիմել է համայնքի ղեկավարին՝ հրաժարվելով 04.12.2024թ-ի ծանուցմամբ ներկայացված համաձայնություն տալու խնդրանքից, առաջարկելով տվյալ ծանուցումը չդիտարկել և ընթացք չտալ:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Քննարկման արդյունքում ավագանու անդամները որոշեցին քվեարկել վերը նշված գործողությանը անհամաձայնություն տալու հարցը:
Նիստը վարողն առաջարկեց քվեարկել նախագիծը:
Քվեարկությամբ, կողմ՝ 10, դեմ՝ 0, ձեռնպահ՝ 2, ընդունվեց որոշում /կցվում է որոշում N 024-Ա/:

8. ԼՍԵՑԻՆ - Գերմանական միջազգային համագործակցության ընկերության կողմից գործադրվող Տեղական զարգացման հիմնադրամի շրջանակներում դրամաշնորհային մրցույթին մասնակցելուն և համաֆինանսավորումն ապահովելուն համաձայնություն տալու մասին հարցի նախագիծը:

- զեկուցեց Փամբակի համայնքապետարանի աշխատակազմի իրավաբանական, քարտուղարության, անձնակազմի կառավարման և զարգացման ծրագրերի բաժնի պետ Հասմիկ Մացակյանը:

Զեկուցողը ներկայացրեց, որ Գերմանիայի տնտեսական համագործակցության և զարգացման դաշնային նախարարության կողմից ֆինանսավորվող և Եվրոպական միության ու Շվեյցարիայի զարգացման և համագործակցության գործակալության կողմից համաֆինանսավորվող տեղական զարգացման հիմնադրամի շրջանակներում GIZ -ը հայտարարում է հայտերի ներկայացման հրավեր համայնքների, մասնավոր հատվածի կազմակերպությունների, քաղաքացիական հասարակության կազմակերպությունների համար:

Ծրագիրը ներառում է ֆինանսավորման հետևյալ չորս ուղղությունները.

1. Վերականգնվող էներգիա և էներգաարդյունավետություն
2. Համայնքային ծառայություններ
3. Տեղական տնտեսական զարգացում
4. Կանանց հզորացում և ներառականություն:

Ծրագրին մասնակցելու նպատակով զեկուցողը առաջարկում է տալ նախնական համաձայնություն Փամբակ համայնքի մասնակցությանը Գերմանական միջազգային համագործակցության ընկերության կողմից գործադրվող Տեղական զարգացման հիմնադրամի շրջանակներում դրամաշնորհային մրցույթին և դրամաշնորհային մրցույթին ներկայացվող ծրագրային հայտ-առաջարկի հաստատման դեպքում Փամբակ համայնքի 2025 թվականի բյուջեից ծրագրի ընդհանուր արժեքի առնվազն 20%-ի չափով համաներդրում կատարելուն: Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ: Նիստը վարողն առաջարկեց քվեարկել նախագիծը:

Քվեարկությամբ, կողմ՝ 11, դեմ՝ 0, ձեռնպահ՝ 0, ընդունվեց որոշում /կցվում է որոշում N 025-Ա/: Ավագանու անդամ Ս. Մարանդյանը չի մասնակցել քվեարկությանը:

9. ԼՍԵՑԻՆ - Փամբակ համայնքի ավագանու 02.02.2022թ-ի «Հայաստանի Հանրապետության Լոռու մարզի Փամբակ համայնքի ավագանու կանոնակարգը ընդունելու մասին» թիվ 08-Լ որոշումն ուժը կորցրած ճանաչելու մասին հարցի նախագիծը:

- զեկուցեց Փամբակի համայնքապետարանի աշխատակազմի քարտուղար Ռաիսա Մինասյանը: Զեկուցողը ներկայացրեց, որ 13 փետրվարի 2025 թվականի N 007-Ա որոշմամբ ավագանին ընդունել է նոր կանոնակարգ՝ համամասնական ընտրակարգով ընտրված ավագանիների համար: Առաջարկում է ուժը կորցրած ճանաչել Փամբակ համայնքի ավագանու 02.02.2022թ-ի «Հայաստանի Հանրապետության Լոռու մարզի Փամբակ համայնքի ավագանու կանոնակարգը ընդունելու մասին» թիվ 08-Լ որոշումը:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 11, դեմ՝ 0, ձեռնպահ՝ 0, ընդունվեց որոշում /կցվում է որոշում N 026-Լ/: Ավագանու անդամ Ս. Մարանդյանը չի մասնակցել քվեարկությանը:

10. ԼՍԵՑԻՆ - Փամբակ համայնքի ավագանու անդամ Թիանա Բոջուկյանի լիազորությունները վաղաժամկետ դադարեցնելու մասին հարցի նախագիծը:

- զեկուցեց Փամբակի համայնքապետարանի աշխատակազմի քարտուղար Ռաիսա Մինասյանը:

Զեկուցողը ներկայացրեց, որ համաձայն «Տեղական ինքնակառավարման մասին» Հայաստանի Հանրապետության օրենքի 70-րդ հոդվածի 2-րդ մասի, Փամբակ համայնքի ավագանու 13.02.2025 թ-ի «Փամբակ համայնքի ավագանու կանոնակարգը ընդունելու մասին» թիվ 07-Ա որոշմամբ հաստատված կանոնակարգի 15-րդ գլխի 233-րդ կետի, հաշվի առնելով Լոռու մարզպետի աշխատակազմի կողմից Փամբակ համայնքի ՏԻՄ-երի սեփական լիազորությունների իրականացման նկատմամբ իրականացված իրավական վերահսկողության արդյունքները, այն հանգամանքը, որ «Բարգավաճ Հայաստան» խմբակցության ավագանու անդամ Թիանա Ռազմիկի Բոջուկյանը Փամբակ համայնքի ավագանու հինգերորդ հերթական նստաշրջանի /12.09.2023-27.12.2023թթ./ ընթացքում կայացած թվով 5 նիստից բացակայել է 4-ից և որևէ հիմնավորում չի ներկայացրել բացակայությունները հարգելի համարելու վերաբերյալ, առաջարկում է «Բարգավաճ Հայաստան» խմբակցության ավագանու անդամ Թիանա Ռազմիկի Բոջուկյանի լիազորությունները վաղաժամկետ դադարեցնել:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 8, դեմ՝ 1, ձեռնպահ՝ 3, ընդունվեց որոշում /կցվում է որոշում N 027-Ա/:

11. ԼՍԵՑԻՆ - Փամբակ համայնքում հանրային հավաքների մասին իրազեկումների գրանցամատյանի վարման կարգը և ձևը հաստատելու մասին հարցի նախագիծը:

- զեկուցեց Փամբակի համայնքապետարանի աշխատակազմի քարտուղար Ռաիսա Մինասյանը:

Զեկուցողը ներկայացրեց, **իրավական ակտի ընդունման նպատակը և կարգավորման անհրաժեշտությունը.**

«Հավաքների ազատության մասին» օրենքի 15-րդ հոդվածով սահմանված է, որ հանրային հավաքներ անցկացնելու մասին իրազեկումների գրանցամատյանի վարման կարգն ու ձևը հաստատում է համայնքի ավագանին՝ նպատակ հետապնդելով կանոնակարգել հանրային հավաքների մասին իրազեկումների թափանցիկությունն ու հավաստիությունը:

Ելնելով վերոգրյալից, հաշվի առնելով ՀՀ օրենսդրությունը, ՀՀ տարածքային կառավարման և ենթակառուցվածքների նախարարի 17.02.2025թ. թիվ ԴԽ/14.1/5364-2025 հանձնարարականը և Լոռու մարզպետի աշխատակազմի 18.02.2025թ-ի 01/107.4.2/01424-2025 գրությունը, ձեր քննարկմանն է ներկայացվում «Համայնքում հանրային հավաքներ անցկացնելու մասին իրազեկումների գրանցամատյանի վարման կարգը և ձևը հաստատելու մասին» ավագանու որոշման նախագիծը:

Կարգի ընդունումը նպատակ է հետապնդում համայնքի աշխատակազմի մակարդակում կարգավորելու հանրային հավաքների մասին իրազեկումների հուսալի և ապահով շրջանառությունը:

Նախագծի ընդունման արդյունքում ակնկալվում է գործող օրենսդրությամբ նախատեսված պահանջներին համապատասխան ապահովել համայնքում հանրային հավաքների մասին իրազեկումների գործընթացները:

Տեղի ունեցան քննարկումներ, որի ընթացքում զեկուցողը և նիստը վարողը պատասխանեցին ավագանու անդամների հարցերին և ներկայացրեցին լրացուցիչ պարզաբանումներ:

Նիստը վարողն առաջարկեց քվեարկել նախագիծը:

Քվեարկությամբ, կողմ՝ 12, դեմ՝ 0, ձեռնպահ՝ 0, ընդունվեց որոշում /կցվում է որոշում N 028-Լ/:

12. ԼՍԵՑԻՆ - Հայաստանի Հանրապետության Լոռու մարզի Փամբակ համայնքի ավագանու ութերորդ նստաշրջանի հերթական նիստի օրը սահմանվելու մասին հարցի նախագիծը:

- Նիստը վարողն առաջարկեց քվեարկությամբ որոշել Փամբակ համայնքի ավագանու ութերորդ նստաշրջանի հերթական նիստի օրը: Համայնքի ղեկավարն առաջարկեց հաջորդ նիստի օր նշանակել 2025 թվականի ապրիլի 14-ը: Առաջարկը դրվեց քվեարկության:

Քվեարկությամբ, կողմ՝ 12, դեմ՝ 0, ձեռնպահ՝ 0 ընդունվեց որոշում /կցվում է որոշում N 029-Ա/:

Փամբակ համայնքի ավագանու ութերորդ նստաշրջանի հերթական նիստի օր նշանակել 2025 թվականի ապրիլի 14-ը: Նիստի սկիզբ սահմանվեց ժամը 14.00-ն:

ՆԻՍՏԻՆ ՆԵՐԿԱ ԱՎԱԳԱՆԸ	_____
ԱՆԱՆՅԱՆ ՍԱՄՎԵԼ	_____
ԱՆՏԻՆՅԱՆ ԱՇՈՏ	_____
ԳԱՍՊԱՐՅԱՆ ԷՄՄԱ	_____
ԽԱԶԱՏՐՅԱՆ ՍԵՎԱԿ	_____
ԿԱՐԱՊԵՏՅԱՆ ԳՐԻԳՈՐ	_____
ԿՈՍՏԱՆԴՅԱՆ ՍՈՒՐԵՆ	_____

10

ՀԱԿՈՒՅՄԱՆ ՇՈՒՇԱՆԻԿ	_____ <i>[Signature]</i>
ՀԱՐՈՒԹՅՈՒՆՅԱՆ ՆԱԻՐԱ	_____ <i>[Signature]</i>
ՄԱՐԱՆԴՅԱՆ ՍԱՍՈՒՆ	_____ <i>[Signature]</i>
ՍԱՐԴԱՐՅԱՆ ՍԵՐՅՈԺԱ	_____ <i>[Signature]</i>
ՍՐՍՊՅԱՆ ԱՐՇԱԿ	_____ <i>[Signature]</i>
ՔՈԶԱՐՅԱՆ ԱՐԱՅԻԿ	_____ <i>[Signature]</i>



ՀԱՄԱՅՆՔԻ ՂԵԿԱԿԱՐ՝
ԱՐՁԱՆԱԳՐՈՂ

[Signature]
[Signature]

Ս. ԿՈՍՏԱՆԴՅԱՆ
ՌԱԻՍԱ ՄԻՆԱՍՅԱՆ